



NA LICU MJESTA

Inspektori SIPA-e u Gornjoj Maoči

Obilježja skinuta, istraga otvorena



Gornja Maoča jučer: Policija stigla na lice mjesta

SIPA traga za osobama koje su postavile obilježja terorističke organizacije Islamska država • Vehabije grubo odbijaju razgovor

Policijski službenici Državne agencije za istrage i zaštitu (SIPA), zajedno s policijskim službenicima Federalne uprave policije i MUP-a TK, u koordinaciji s Tužilaštvom BiH, izašli su jučer na lice mjesta radi utvrđivanja svih potrebnih činjenica u vezi s informacijom da je u naselju Gornja Maoča istaknuta zastava Islamske države (IS), saopćeno je jučer.

Kako se moglo vidjeti na fotografijama, na kućama su postavljene zastave i obilježja terorističke organizacije.

Kako je objavila FTV, zastave Islamske države bile na kući Edvarda Durgutija i Muharema Imiševića.

Obavljene provjere

No, jučer ujutro nisu zatečene istaknute zastave IS-a, a o rezultatima obavljenih provjera obaviješteno je Tužilaštvo BiH.

Međutim, iz SIPA-e je saopćeno da u koordinaciji s Tužilaštvom BiH nastavljaju daljnje aktivnosti na utvrđivanju svih bitnih činjenica radi rasvjetljavanja ovog događaja.

Iz izvora bliskih



AVDO IMAMOVIĆ:
Stajalo je tu mjesecima



Prefarbano obilježje terorističke organizacije

ovoj agenciji nezvanično saznajemo da pripadnici SIPA-e i dalje tragaju za počiniocima koji su postavili obilježja terorističke organizacije te da ne vjeruju u priče mještana da niko iz Gornje Maoče ne stoji iza toga.

- Mi nastavljamo istragu. Mnogo je toga za sada nejasno. Neko je, čim se ova priča pojavila u javnosti, sakrio obilježja IS-a - nezvanično nam je rečeno iz SIPA-e.

Zanimljivo je da su obilježja IS-a danima bila postavljena na kući u Maoči, ali su otkrivena tek prije dva dana, kada je jedan strani medij prvi objavio slike iz sela. To potvrđuju i mještani koje smo

jučer zatekli u ovom veoma nepristupačnom selu. Niko od pripadnika vehabijske zajednice nije htio razgovarati s našim reporterima i vrlo grubo su, kao i ranije, odbili novinare.

Šta radi vlast

Avdo Imamović, mještalin u Gornjoj Maoči, kaže da su zastave i obilježja bili okačeni mjesecima te da on u tome ne vidi problem.

- Ovo sve rade politika i ova naša vlast, oni su toliko besposleni da uvijek led puca. Imamo mi ovdje i komšija Hrvata i Srba, svi su o sebi pri sebi - kazao je Imamović.

M. Ah. - M. Aš.

Naslijede Nusreta Imamovića

Kako saznajemo, istražiteljima je nelogična priča mještana da su neke druge osobe, mimo njih, postavile obilježja na jednoj kući, jer je Gornjoj Maoči nemoguće prići, a

kamoli raditi nešto bez znanja starješina, koji su, nakon što je u Siriju otišao Nusret Imamović, jedan od najtraženijih terorista u svijetu, preuzeli brigu o selu.